



DATA: 17 di junhu di 2022  
PA: Menbrus di Komitê di Skola di Boston  
DI: Matt Holzer, Diretor di Skola di Boston Green Academy  
Alex Chu, Presidenti di Konedju di Administrason di Boston Green Academy  
Ref.: Pididus di emendas di statutu di Boston Green Academy

Sima dja nhos sabi, Akademia Boston Green Horace Mann é un skola autonoma dentu di distrito, autorizadu pa Konedju di Edukason Fundamental i Sikundáriu ku aprovason di Komitê di Skolas di Boston i Sindikadu di Profesores di Boston pa un periodo di sinku anos. Orijinalmenti aprovalu komu un 'reinísiu' di un liseu di BPS ku difikuldadis na 2011, statutu di BGA dja foi renovado três bez, más resentimenti foi na 2021. BGA é rekonhesidu nasionalmenti pa ses excelensia na edukason sustentável, na kontinua matrikula di un populason diversifikadu i ku altus nesisidadis, é popular entri famílias di tudu sidadi ku un lista di spera favoravel i é un di kes skolas sikundárias ka seletivas di maior susesu na BPS, ku base na txeu mididas, inkluido taxas di graduason, taxas di abandonu di skola i notas di MCAS.

Dipos di renovason, kada skola charter Horace Mann é obrigadu a apresenta un novo Memorando di Entendimento entri skola (BGA) i se distrito anfitrión (BPS), ki ta diskrevi akordus operasionais entri kes dós partis, ben komu un novu Planu di Responsabilidadi ki ta diskrevi mididas di avaliason diterminadu pa periodo di skola autonoma (alén di kes na strutura di responsabilidadi di DESE). Kes dós dokumentus é konsideradu emendas i es ta iziji aprovason di Konedju di Administrason di skola, Sindikadu di Profesores di Boston, i Komitê di Skolas di Boston, artis di es mandadu pa komisário di DESE pa aprovason final. DESE dja da aprovason preliminar pa kes dós dokumentus pa garanti ki es ta en konformidadi ku regulamentus, i tantu Konedju di BGA kuantu BTU aprova-s artis d'es pididu pa konsiderason di Komitê di Skola.

BGA negosia MOU ku Skritório di Asesor Juridiku di BPS pa más di seis més (di disenbru di 2021 a maiu di 2022), undi tudu dós partis konkorda ku un dokumentu ki é praktikamenti identiku ku MOU di mandatu anterior di BGA (2016-2021). Planu di responsabilidadi foi disenvolidu na 2021 pa komunidadadi di skola BGA pa identifika métricas di responsabilidadi ki ta alinha ku mison di skola i elementus isensias di design, ben komu kontinua nos konprumisu di midjora dizenvolvimentu di alunus i ekuidadi. Es é presentadu djuntu pa Komitê Eskolar pode konsidera di forma efisienti emendas di skola só di un bez.

Kópias di kes dós dokumentus, komu tanbé nos Deklarason di inpaktu di ekuidadi, sta inkluidu pa nhos revison. Nu sta spera diskuti nos aplikason di renovason ku nhos na runion di Komitê di skola na tersa-fera 21 di junhu di 2022. Nu sta dispunivel pa diskuti kes dokumentus li artis di runion si kela ta ser di ajuda: Txoma pa 857-210-5261 ô manda un email pa [mholzer@bostonpublicschools.org](mailto:mholzer@bostonpublicschools.org).